

丹陽縣志補遺卷之四

兵防

埤城舊為汎地明洪武時設千戶一員兵二名以備倭

洪武江防圖

自安港而東北百里為丹陽之包港皆防守處也

江防考

延陵寨

宋熙甯五年省縣為延陵寨仍置延陵寨於此

經山寨

山城北迫近江岸賊繇此登犯可以直薄縣城宋置經山寨於此為防遏之所

包港寨

濱江諸港凡數處而最名者曰包港北通大江南達嘉山宋置包港寨於江口以上方輿紀要

一派泄橋庵汎兵五名 一派馬陵鎮汎兵五名 一

派五里舖汎兵五名 一派全州汎兵五名 一派石

丹陽縣志補遺

卷之四

兵防

一

家山汎兵五名 一派胡家橋汎兵五名 巡船一隻

一派珥陵鎮汎兵五名 巡船一隻 一派道士橋

汎兵五名 一派姚莊橋汎兵五名 一派九里汎兵

五名 一派訪賢橋汎兵五名 一派圈門橋汎兵五

名 一派張莊汎兵五名 一派埤城汎兵五名

以上

乾隆志

附考證

全週汎

乾隆志週作州

泄橋巷汎

乾隆志巷作庵

兵事

吳程普傳策到橫江當利破張英于麋等轉下秣陵湖

熟句容曲阿普皆有功

吳志

晉蘇峻之亂顧眾版范明為參軍明率宗黨五百人合諸軍凡四千人復進討張健健退於曲阿留錢弘為吳令軍次路丘即斬弘首眾進住吳城遣督護朱祈等九

軍與蘭亭太守李閔共守凌亭

晉書顧眾傳

陶侃討蘇峻郗鑒與後軍將軍郭默還丹徒立大業曲阿凌亭三壘以拒賊而賊將張健來古大業城中乏水郭默窘迫突圍而出三軍失色參軍以為大業京口之扞一旦不守賊方軌而前

晉書郗鑒傳

簡文帝咸安二年六月前護將軍庾希舉兵反自海陵

丹陽縣志補遺

卷之四

兵事

二

入京口晉陵太守卞耽奔曲阿又庾希傳耽與曲阿人弘戎發諸縣兵二千併力屯新城以擊希希敗

晉書

咸和四年二月蘇逸以萬餘人自延陵湖將入吳興乙未將軍王允之及逸戰於溧陽獲之

晉書

宋泰始二年會稽諸郡兵應晉安王子勛於尋陽將至延陵宋巴陵王休若禦之休若軍於延陵築壘固守東軍敗散

元凶劭之亂隨王誕遣軍自會稽向建康敗劭軍於曲阿劭因緣淮樹柵決破柏岡方山埭以絕東軍

隋王世充既渡江劉元進將兵拒戰殺千餘人世充窘

急退保延陵柵元進遣兵人各持茅因風縱火世充大懼將棄營而遁反風火轉眾懼燒而退世充簡銳卒掩擊之殺傷大半自是頻戰輒敗

隋書劉元進傳

唐楊行密敗於高郵行密懼退還宣州遣安仁義襲成及取潤州自將三萬屯丹陽

新唐書楊行密傳

盧絳亡命往來金陵丹陽間久之上書論事未報詣樞密使陳喬口陳所上書喬異之用為本院承旨授沿江

巡檢募亡命習水戰

十國春秋盧絳傳

宋建炎三年三月劉光世部兵會呂頤浩於丹陽

紹興二年呂頤浩總師至常州前將軍趙延壽兵叛於

丹陽縣志補遺

卷之四 兵事

三

呂城鎮

以上宋史

元至元十二年秋七月宋平江都統劉師勇殿師張彥以兩浙制司軍至呂城復為安塔哈行院兵所敗

元史

至正十六年三月大明兵取鎮江路

元史

明嘉靖三十五年江南浙西諸寇略平而江北倭則犯丹陽及掠瓜州

明史

清咸豐六年夏巡撫吉爾杭阿戰歿鎮江張國樑迭戰於五峰口磨笄山勝之未久楊秀清約眾賊攻大營向帥臥病麾下輿之走國樑馳救不及焚所遺輜重殿全軍退南保丹陽向公奏保國樑總統南北軍賊圍攻甚

急國樑集諸將語之曰向帥與眾士同甘苦久矣今賊乘其危進逼若不力解重圍何顏立人世乎卽以刀斫案曰有不與國樑同心殺賊者視此案諸將虎嵩林及子坤元時稱小虎張玉良秦如虎皆曰諾分途力勦諸將卒皆一可當百賊不支遁伏兵起縱火蹙之賊徒屍積如山

丹陽得全七月向帥薨

中興蘇浙表忠錄

清咸豐十年春李逆竄擾建平東壩與洪酋爲夾攻之舉而我軍缺餉已久兵心不固國樑親詣和帥泣求發餉而仍不應賊乘機攻大營國樑晝夜拒守閏三月十四日天大雷電繼以雨雪平地積水數尺賊傾巢突出

丹陽縣志補遺

卷之四

兵事

四

脅難民以填野四面環攻何督在常不遣援國樑率部至丹陽欲扼寸以捍南服周視丹陽城曰此城無守法乃植立城上泣諭曰我受國厚恩當死報諸君願死者守不願死者去麾下感其忠義多不去力戰於尹公橋七戰而兵傷萬餘矣晦日提督王浚總兵熊天喜皆陣亡國樑身受重創向北再拜曰臣力竭矣躍馬入河而

薨年三十八歲

同上

六年夏巡撫吉爾杭阿戰歿高資向榮奏以忠武總統南北諸軍退守丹陽用有珥陵之戰當是時賊艷蘇常諸郡久扼於我軍苦不得逞而吾軍亦以財賦所出半

天下正供之外藉以資軍故力爲捍蔽至是賊乘勢出全力爭之而虎坤元故統一軍於此坤元者提督嵩林子軍中以小虎名之其父嘗以故當法坤元號泣帥前請以己官贖父罪否則代以身言訖拔刀自擬帥惜其材許以功贖罪於是戰必先登嘗敗賊十數萬於高資遂復鎮江官至總兵其軍珥陵也忠武旣殿軍至與坤元合坤元請騎當前敵忠武繼之計吞此賊必矣忠武笑撫其背曰壯哉雖然前敵吾自當之君可繼諸將亦各以死誓翼日賊盛至我軍裁當什之一逆前鏖戰血肉橫飛愈戰愈厲歷兩晝夜賊始大潰以奔而他賊圍

丹陽縣志補遺

卷之四

兵事

五

金壇以抄我丹陽之後者并進解之遂以提督拜欽差

幫辦軍務之命

蓋山文錄

安徽羣賊遽陷浙會城忠武遣軍往復之未歸賊之自浙回竄者與安徽諸賊十路並進忠武急檄援浙張玉良會軍城下冀一鼓下江甯然後逆破羣賊總督何桂清持之或尤忮其功餉不時給會天大霖雨浹月不絕賊至和春退軍因之潰忠武方出相戰地聞變搏膺大呼墜馬幾絕旣料餘軍爲民殿且戰且却至丹陽城下受數創下馬向北拜曰臣力盡矣而民環萬數號哭請弗死忠武曰苟可搢拄吾敢以一死謝責乃檄軍者七

請餉者三皆弗應彼欲死吾久矣言訖策馬望城濠馳  
下民爭前擁之遂並歿於中流時十年又三月二十有  
九日也同上

案表忠錄與盩山文錄論咸豐間丹陽兵事較前志  
所載翔實且末段皆云忠武投河死尤確今尹公橋  
下轉河南岸豐碑屹立不曰忠武之墓而曰忠武殉  
難處卽以此也

### 附考證

漢末孫堅注始皇鑿北闕以敗其勢闕截其道使阿

通曲通字

丹陽縣志補遺

卷之四兵事

六

丹陽縣志補遺卷之四終